



UNIVERSITÄTS-
BIBLIOTHEK
PADERBORN

Summæ Theologicæ Scholasticæ Et Moralis

In Quatuor Partes Distributæ

In qua de Incarnatione Verbi & Mysteriis vitæ Christi, nec non de
Sacramentis in genere & singulis in specie succinctè & dilucidè tractatur

Herincx, Wilhelm

Antverpiae, 1675

Qu. IV. Qui sint offerentes hoc Sacrificium.

[urn:nbn:de:hbz:466:1-72963](#)

va. Præterea in consecratione potissimum cernitur immutatio sive mactatio mystica hostie principalis, repræsentativa cruenti Sacrificii, ejus nostrum ex principali suo fine est commemorativum seu repræsentativum: quatenus Christus per consecrationem ponitur sub speciebus inanimatis modo mortuo, sive quia, quantum est ex vi corporum consecrationis, exhibentur corpus & sanguis separata tamquam partes viam occisa: sive etiam quia ibi statuntur in statu inepto ad conputratales operationes & passiones vitæ humanae. Igitur consistit Sacrificium novæ Legis incursum in consecratione.

Secunda pars Conclusionis sat's colligitur ex præcedenti: quia videlicet sola consecratio fit in persona Christi. Deinde in illa sola sufficienter & perfectè cernitur repræsentatio Sacrificii cruenti, & immolationis Christi, ejusdem nomine facta. Idem etiam inserviant Patres, statuentes nostrum Sacrificium in consecratione; in qua etiam Nonnulli, expresse afferunt reperiri rationem holocausti. Denique patet ex antè dīctis, ceteras Missæ actiones ad rationem essentialiæ Sacrificii novæ Legis non spectare; ergo ad illam spectat sola consecratio.

Sed queri potest, an includatur essentialiter consecratio utriusque speciei? Et passim respondetur affirmativè. Nec videatur dubitandum, quin utriusque speciei consecratio requiratur ad perfectam rationem Sacrificii novæ Legis ex constitutione Christi, qui in illo instituit offerri Corpus & Sanguinem suum sub specibus panis & vini. Similiter sat's constat rationem essentialiæ Sacrificii incipienti, & repræsentationem cruenti perfectissimè reperi in consecratione utriusque speciei. Nihilominus non satis appetet, cur in consecratione solius panis, aut etiam solius vini seorsim, non habeatur ratio veri Sacrificii, et si non totalis & completa, prout à Christo est institutum: nam in solius v. g. panis (idem cum proportione est de vino) consecratio ne cernitur immutatio consistens in prædictione hostie principalis, ac destructio ne minus principalis, fitque à ministro legitimo in protestationem summi Dei domini; & specialiter repræsentatur Christus in cruce immolatus, immo separatio corporis à sanguine, quatenus ex vi verborum ponitur solius corpus, vel simili aliquo modo. Quāvis alioquin hæc repræsentatio non appareat essentialis huic Sacrificio quā Sacrificium præcisè est; ut pote citra quam reperi possunt in ea quāvis requisita ad veram rationem Sacrificii. Adde, quod in gravissima necessitate, ex epykia præsertim Ecclesiæ, consecratio unius speciei sit licita, & extra illam saltem valida; qua etiam sola adhibetur, quando inopinatè deficit altera species: his tamen

Herinex Sum. Theol. Pars IV.

casibus omnino dicendum est, Sacerdotem sacrificare, seu facere Sacrificium, sed mutuum, seu non integrum; ut vètè conficeret Sacramentum; quod nisi per Sacrificium non conficitur: adeò ut exclusa penitus intentione sacrificandi, consecrationem fore invalidam censeat Aversa quest. II. sed. I. in fine & alii.

Q U A E S T I O N E IV.

Qui sint Offerentes hoc Sacrificium?

DI C O I. In omni Missæ Sacrificio 46. Christus est Offerens. Patet ex c. Fir- In qualibet miter de summa Trinit. Florentino in Decreto En- Missa Christi stus est Offe- genzii, & Tridentino sess. 22. c. 2. ubi ait: *Vna ea-* demque est hostia, idemque nunc offerens Sacerdotum ministerio, qui seipsum tunc in cruce obtulit. Idem patet ex Ambroso in Psal. 38: *Cypri-*ano Epist. 63. aliàs lib. 2. Epist. 3. Item ex ipliis verbis consecrationis, in quibus Sacerdos super materia præsenti, dicit: *Hoc est corpus meum, Hic est sanguis meus.* Quibus clarißimè significatur, ipsum loquii in persona Christi, adeoque in persona ejusdem offerente Sacrificium.

Ex quo etiam patet, quā ratione Christus sit offerens, & quidem præcipitalis: vi. 47. delicet non tantum quia Sacerdotium hoc & Sacrificium instituit, ac juxta voluntatem ipsius offertur; sed etiam quia ipse Sacerdotes constituit suos ministros & vicarios, qui nomine & in persona ipsius, eum-sit. Quo sensu & id verum que repræsentantes Deo offerunt hoc Sacrificium: nam Sacerdos (in altari scilicet) vice Christi fungitur, ut ait Cyprianus suprà. Ipsæ in persona Christi loquens hoc conficit Sacramento; ut loquitur Florentinus suprà. Patet hoc ipsum ex Tridentino suprà. Unde sicut Rex mittens legatum ad gratulandum & obsequium deferendum Pontifici noviter creato censemur præcipitalis agens, dum legatus gratulatur & obsequium offert: ita etiam Christus est præcipitalis offerens, seque submitens in ordine ad Deum, qui Sacrificio colitur. Huc accedit, quod Christus etiam ad Sacrificia sit attenus, & illa Deo Patri repræsentet. Quāvis non constet, quod alium actualē & immediatum in quotidiana Sacrificia concursum præbeat, & non potius ministris juxta suam voluntatem (in qua adhuc perseverat) & nomine suo offerentibus, actiones sacrificativas relinquat. Quod videtur insinuare Florentinum suprà, & Cyprianus suprà. Sic etiam verificatur quod Tridentinum suprà dixit eamdem esse viciām, eundem offerentem in altari & in cruce, solā offendi ratione existente diversā, quia videlicet in cruce per se & sub propria spe-

Ff 2

cio,

cie, in altari per alios, seu (ut loquitur Trident. *spr.*) Sacerdotum ministerio, & non aliena specie offertur, sic tamen ut ipsa quæ per alios fit oblatio, sit moraliter actio ipsius Christi, prout in veteri Testamento locutio Angeli Deum represeuantis censetur locutio ipsius Dei, in cuius persona Angelus dicebat: *Ego sum Deus Abraham &c.* sicut nunc Sacerdos in persona Christi ait, *Hoc est corpus meum.* Nec aliud voluit *sicutus quodlib.* 20. n. 23. dicens, Christum non immediate hic offerre Sacrificium, quia quod Christus non offerat immediate per se quotidiana Sacrifica eo modo, quo fecit in ultima cena, & quo id faciunt quotidie Sacerdotes.

48.

Hac ratione Christus est Sacerdos in eternum secundum ordinem Melchisedech.

49.
Sacerdotes sunt ministri propriæ, eti secundum ordinem, sacrificantes.

50.
Fideles reliqui offerunt Sacris, ium aliquo modo,

Qui docta- riantur.

Et hoc modo etiam patet, qualiter Christus verè sit Sacerdos in eternum secundum ordinem Melchisedech: quia usque in finem mundi per suos vicarios & ministros juxta illum ordinem offert Sacrificium. Patet etiam, qualiter illud non polluatur malitiâ ministrorum: ed quod hiantum præstent ministerium offerendo in persona alterius, quæ Patri æternæ displiceat non potest.

DICO II. Sacerdotes legitimè ordinati offerunt propriè & per se hoc Sacrificium. Et certum est. Et patet ex forma Ordinationis, in qua Sacerdotibus datur potestas offerendi Sacrificium pro vivis & pro defunctis. Item ex Tridentino *Jeff. 22. cap. 2. & can. 2. & Jeff. 23. c. 1.* Deinde hanc potestatem non esse aliis fidelibus communem, sed Sacerdotibus particularem, eamque perpetuam, docet idem Tridentinum *sup. cap. 4. & can. 4.* Hinc Sacerdos non est merum instrumentum seu merus executor, sed verus sacrificans, eti tamquam vicarius & publicus minister Christi; ideoque debet procedere ex certa intentione, ut non sufficiat præterita Christi voluntas seu intentio, nisi in præsenti Sacerdos ipse intendat offerre & sacrificare. Prout è contrâ datio elemosynæ per famulum, veluti merum Executorem & instrumentum, non pendet ab humus intentione, libertate &c.

DICO III. Fideles non Sacerdotes possunt aliquo modo dici offerre hoc Sacrificium. Patet ex variis partibus Canonis Missæ. Nam ante consecrationem post Memento, dicit Sacerdos: *Et omnium circumstantium, pro quibus tibi offerimus, vel qui tibi offerunt.* Item: *Hanc igitur oblationem servitus nostra, sed cum familia tua.* Idem patet ex Leone *Ep. 81. c. 2.* Modus autem ille, quo offerunt, consistit in eo, quod aliqualiter ad Sacrificium concurrant, petendo illud pro se offerri, ministrando, eidem assistendo, & affectu se conjungendo Sacerdoti, qui est primarius Sacrificii minister.

QUESTIO V.

Pro quibus hoc Sacrificium se offerendum?

DICO I. Potest hoc Sacrificium offerri, tum pro vivis, tum pro defunctis. Ita definit Tridentinum *Jeff. 22. c. 2. & can. 3.* Deinde in ipsa ordinatione Sacerdotum traditur eis potestas offerendi Sacrificium pro vivis & pro defunctis. Quod etiam exprimitur in Ordinario Missæ, & antiquis Liturgiis. Idem patet ex plurimis Patroni auctoritatibus, quas Nonnulli congerunt. Nobis paucæ sufficiat *Augustinus Eucherius cap. 110.* Neque (inquit) negandum est, defensorum animas pietate suorum viventium relevi, cum pro illis Sacrificium Mediatoris offeratur, ut elemosyna in Ecclesia fiant &c. Idem docet alibi *sepiissime.* Immo oppositam doctrinam inter errores Aërii recentet, tum ipse, tum *Epiphanius & Damascenus.* Eundemque ritum ab Apostolis manasse asserit *Chrysostomus Hom. 69. ad populum Antioch.* Et *Homil. 3. in Epist. ad Philippienses.* Denique (inquit) *Cyrillus Euerofolymitanus Catech. Mylag. 5.* pro omnibus oramus, qui inter nos vitæ functi sunt, maximum esse credentes animarum juvamen, pro quibus offeratur obsecratio sancti illius & tremendi, quod in altari positum est, Sacrificii.

Immo etiam in antiqua Synagoga offerabantur Sacrificia pro defunctis, ut patet *Machab. 12.* Ratio est: quia per alieni suffragia possumus juvare tum vivos tum defunctos: ergo maxime id poterimus per acceptabile altaris Sacrificium.

Quod tamen attinet ad defunctos, non potest Sacrificium offerri pro damnatis, ut Patres & Doctores communiter supponunt, & decisum est c. *Pro obuentibus 3. & c. 2. & c. Placuit 23. quæst. 5.* idque ob irremissibilem corum damnationem. Quare hiis solis potest offerri, qui in statu gravi decesserunt nondum plenè purgati: hi enim sunt capaces fructus Sacrificii, feliciter transmissionis pecuniarum temporalium. De quibus proinde hoc expressè tradit Tridentinum *Jeff. 22. cap. 2. & Jeff. 25. in Decreto de purgatorio, ubi ait, animas in purgatorio detentas, delium suffragatis, potissimum veritate acceptabiliter Sacrificio juvari.*

Hinc etiam pro Beatis non potest propriè offerri Sacrificium: neque enim possumus pro eis satisfacere, aut aliquid indigeant impetrare, aut eorum gloriam apud Deum orationibus augere. Sicut nec possumus pro eis orare, *Quia (ut ait Iosephus III. c. Cum Martie de celebrat. Milleum) Sancti orationibus nostris non indigent.* B. injuriam facit Martyri, qui orat pro Marti. Quamvis aliquo modò minus propriè potest pro illis Sacrificium offerri, videat